

光緒丙子清河縣志

地 220.57
39
= 3

11383
89

光緒丙子清河縣志卷十

學校

學宮

學額

學田

書目

禮樂器

名宦

舊縣學宮

宋德祐元年初建清河縣學於大清口之舊城

元泰定元年遷學於甘羅城 至正十五年燬於兵

明洪武二年知縣孔克勳改建於小清河口縣治東南

二百步 正統五年掌清河縣事知州李信圭重修

天順五年知縣盧甯主簿徐鼎重建大成殿兩廡戟門

神庫邑人王圭實捐貲

山陽金銑有記

成化三年提學御史陳

選知府楊景知縣王高重修

都御史莆田翁世資記略曰學校所以崇化本皇上

光緒丙子清河縣志

卷十

一

遴選憲臣授以璽書專督學政以造就人材惟時臨海陳君選恭承璽書夙夜弗怠凡學政之弊而廢者革而興之學宮之隘與壞者修而廣之人材之萎蕪者提擢而振作之學校之修未有過於南畿者也清河為淮屬邑其學自宋德祐元年建於舊縣之大清河口成化己丑知府楊景同知安鈍知縣王高咸克承御史君之意修學宮構饌室築齋舍以至門庫庖漏牆垣悉完御史君詣學見其輪奐完美語景屬世資記其成以告將來云
宏治十五年都御史張縉知縣劉慧增大學門濬泮

池而橋之

邑人楊清記曰清河縣學予舊游之地也宏治八年冬陽穀劉侯以前鄉進士來為之尹

政尚廉平尤專意學校欲事更之乃於辛酉之歲糾諸同人論材董匠撤大成殿兩廡鴻門堂舍而一新之又續 夫子四配十哲像造兩廡鄉賢几案鑿泮池改門樓築夾道峻垣墉立射圃有亭創公廡有地表儒林有坊靡不攻緻礮密皆出於至誠之經畫非苟焉以悅人工既就猶以前逼民居於心未慊將以在官隙地易之歲晚入覲不果而止越明年壬戌適都憲張公縉來撫淮甸駐節清河謁廟之餘眾以侯之素心告焉公大悅

玉其成門牆軒豁俯瞰河流安知斯土斯人不有非常英傑出而裨益吾君吾民者此則劉侯遺澤及人之遠且大也教諭楊君鴻徵予文記之竊謂士而受教正德養之益究知本源與不靡物力以成大功皆可書

九年提學御史張璿命縣丞范忠建櫺星門講堂號房

嘉靖四十一年知縣吳宗吉修 隆慶六年都御史

王宗沐命知縣張惟誠修 天啟元年河決學宮湮廢

三年教諭高崇毅遷於舊基之西北數十步以遠河

患 四年建 先師殿櫺星門戟門 六年教諭陽純

建東西廡 崇禎元年教諭江道振建明倫堂於殿之

東南建學門自門至堂築甬道 邑人仲朝典記曰清河縣儒學於洪武二年創

建茲地歷代相延未之有改迨天啟元年河決淪沒於水議者欲遷建以遠河患聞三年冬高君崇毅適來秉

光緒丙子清河縣志

卷十

鐸士慶得師又得李君遇賢相與協謀遂搜括學田得草租若干金次請得贖緩若干緡又倡諸生捐費助工

有差遂鳩材庀工建 先師殿於故址西北數十武次建櫺星門又次戟門重戶洞開規模畧具而君以內艱

去西粵陽君純繼之建東西兩廡又二年江君道振至與李君謀曰有殿廡而無堂皇其謂講學何乃建明倫

堂闢雲路建門三楹又培文峯於河陽取臨水面山之義夫講學廣文職也建學守令事也四君橫經之照彈

心學宮先後一揆又簡諸生之練達者二人董其役曰仲生汝弼曰周生文煒戴星視事不避寒暄需以歲月

次第攷成予深羨四君以廣文之職而兼有 四年教諭司之能何可以無紀時崇禎二年季秋月朔

王守謙建映壁於櫺星門外

本朝順治六年教諭閻補宸新兩廡神牌植柏於庭深

泮池登橋為神道 康熙十七年知縣王登龍教諭吳

徵重建啟聖祠西廡 十八年吳徵建尊經閣門樓

二十四年火燬啟聖祠雨壞東廡知縣馬元教諭吳希
古重建如制 二十七年知縣管鉅教諭吳希古修明
倫堂培甬道以達儀門 三十年大修 先師殿戟門
神道泮池環橋甕門通水樹坊表道拓其左以達櫺星
門 管鉅記曰予自丁卯莅清河見境內之地靈不振井
里荒積穀然有興舉之志曰 國典之重官師之守
先其大者其學校乎前此之水火災變賴博士吳君次
第整理至 聖殿傾積非補苴旦夕之功迨秋穀既熟
乃會博士弟子員而庭議之曰建置者有司之職也在
學校則願共之諸士形其力司鐸董其事予要其成約
計土木之費先出俸錢五十貫購物材集工匠刻日而
修葺之撤其傾壁而址且陷也曰更築之落其積垣而
楹且蠹也曰更植之棟隆而飛簷不固也更舉之廉隅
而發角不稱也更修之堂階不崇無舞位矣戟門不飭
無準儀矣輦陛不除無神道矣曰是皆廟廷之規制而
歷代之示尊崇者敢不飭乎繼是而予攝漣東鞅掌錢

光緒丙子清河縣志

卷十

三

穀鳩工之事一先所司而戒之董者得人役者鼓力再
越月而傾者立積者植棟宇峻起簷阿鳥革翼翼然列
楹之覺也恢恢然門扃之軒敞也巍巍然龍脊魚尾之
法象也森森然二十四戟之王儀也廟貌成而規制備
庶幾妥 先師之神而罔侗乎或有告者物力不繼工
將罷矣予曰胡然予固計之審矣櫺星門學宮之表也
泮橋學宮之制也宮牆偪而改辟華表敞而更新踵事
而圖之予將觀大成焉於是戟門之南浚舊池而深之
為橋三甕水門立坊表道以達內外左右之牆式廓如
一至櫺星則立楔嵌壁示大觀之在上焉楔欲其崇以
為表也壁欲其厚以為固也翼牆以南北木為欄而屬
之映壁以為衛也至是而可以觀大成矣以崇 先師
報 國命祀春秋行典禮講學育才而興文教胥於是
為權輿自冬歷春四越月而落成鄉士大夫舉爵屬予
以歸予功予曰前事之飭予不敢攘美於廣文先生今
之成功傳眾力而就之若周禮然一人豈敢尸焉雖然
國典之重官師之守苟有沿革不敢不志也 三十四
重之也爰述其經始與法當書者記而勒之石 三十四
年管鉅教諭洪芳詰修尊經閣 三十五年至四十一

年啟聖祠再毀於水五十一年改建啟聖祠 五十九年知縣王三謙修尊經閣 六十年知縣郎燦修明倫堂 雍正二年教諭馮為桐修兩廡立先賢先儒木主百三十位植松柏於庭修戟門映壁是年布政司鄂爾泰頌丁祭儀注勒石於明倫堂階之右 八年知縣李必成教諭張鏞修神道泮池環橋樹泮宮坊 九年知縣戴昕修正殿建鄉賢祠於戟門之右 十一年知縣許逢元修明倫堂之東壁 十二年許逢元張鏞訓導陳其音建崇聖祠於明倫堂之東南即啟聖祠舊址 乾隆十年教諭黃中理築西廡後垣 十四年教諭吳詒恕重建

東西二坊是年主簿潘念蓼重修泮池神道環橋建泮宮坊 十五年知縣朱元豐修明倫堂尊經閣

舊廟之制先師殿五楹東西廡十楹其前為戟門戟門之前有泮池池上有橋三泮池之外為櫺星門其南為

映壁 崇聖祠在明倫堂之東南 名宦祠在戟門之

左

知縣郭琳建

鄉賢祠在戟門之右

郭琳建雍正九年戴昕重建

忠孝祠

在教諭署南

祀周忠烈公文煒雍正九年建

儒學大門在櫺星門之東

明倫堂在正殿東南 尊經閣在正殿之後 教諭

宅在文廟之東明倫堂之西 訓導宅在明倫堂東南

以上皆無存

乾隆志云舊有神庫神厨敬一亭日新齋時習齋會饌堂射圃義路禮門坊並久廢

新縣學宮

明嘉靖九年工部主事邵經濟建崇景堂於清江浦漕
廠署之左 二十一年工部主事葉選建文會堂退省
軒及諸生號房置祭田 隆慶六年工部主事龔廷璧
修 萬曆五年工部主事張譽增建大觀樓 三十四
年工部郎中沈孝徵主事魏時應建文昌樓鐘樓 四
十二年工部主事王蒞重建 先師殿尊德堂 天啟
六年工部主事顧元鏡建格物致知正心誠意四齋斯
文在茲坊 是年始於地租銀內給修理銀五兩又
丁祭銀六兩營繕所所丞繕辦有碑 崇禎
六年工部主事趙光抃修

光緒丙子清河縣志

卷十

五

本朝順治六年工部主事張安茂重修

有碑

十八年漕運

總督蔡士英命船政同知孔貞來建兩廡齋房

時春秋二祭以

船政同知主其事河督則朔望行禮略如祀學宮之儀

康熙十六年河道總督靳

輔重建

先師殿文會堂及兩廡移建文昌殿於文會

堂之左戟門周垣踰年而成 二十三年淮徐道常君

恩重建尊德堂於文會堂之右建櫺星門濬泮池植桃

柳 三十七年河道總督于成龍始奏改稱 文廟

時移

山陽訓導一員駐此猶稱山陽學宮

雍正三年裡河同知白鍾山建靳公

祠於戟門之右建更衣廳於戟門之左

乾隆二十四

年重修

山陽阮學浩記略曰 國家文教覃敷自首善以及外郡州邑莫不立學而淮安之山陽縣則

兼設清江浦學歷歲既久漸就積敝例於河庫存餘項內支給修理已卯秋日浦之縉紳公請捐修而以郡丞巴靈阿總其事相度稽察則委之訓導卞銓主簿王廷欽董役則委之諸生馮世瑄等計捐銀若干不敷仍於存餘項內動用若干踰二十六年奏改爲清河縣學宮年工迄屬予爲文記之時清江浦割隸清河縣移縣之冊日清江學宮昔分山陽訓導權時之宜經今改制宜駐清河教諭分駐訓導撤歸本邑其舊縣廟主神靈馮依歲月來久非所宜毀宜稱夫子廟俾士著士子朔望瞻拜仍畱訓導駐舊學舍名宦鄉賢忠孝諸祠勿遷所以存就式而繫人心云

載重修 道光三年河道總督黎世序率其屬及邑人

重建移向正南二年告成 萬承紀記曰清河舊在大河以北清江浦隸於山陽初無

學宮 國朝康熙間于襄勤公卽前明崇景堂大其規制增建堂廡題爲清江浦學設位以釋奠焉乾隆二十六年改移縣治學宮仍舊未遑宏麗更數十年釋宇坵廛錯雜間厠囂塵至集汗穢喧卑邑之士人悽然動心

光緒丙子清河縣志 卷十 六

欲得改建顧斯事體大莫敢首發遲回有年道光二年黎襄勤公與前淮海道沈公愔彝語及此事沈公贊之未幾以事去前淮揚道費公丙章淮海道林公則徐先後監司此士籌計官帑聞諸大吏於是卽故地而廓之釋宇民居之當徙者厚與其直聽取其材咸泯怨咨拓地若干畝爲屋若干楹宮殿堂廡門坊樓閣若干祀事之廬校官之舍從祀之祠罔不畢具牆垣岌業簷角高迥石池淨深楹楯堅緻易陋爲壯增卑而崇煥若神明一新視聽經始於道光元年冬十月告成於四年秋九月凡用金錢四萬三千緡有奇半出於官半出於民其名姓別有記方役之興也相顧聘貽阻止萬端或謂費巨莫適爲倡卒歸無成或謂居上位者視爲不急或乃遺誤編氓响以遷移矯誣滿詞語百車天下事可與樂成難與慮始蓋自昔爲然而能卒潰於成其卓然定力不惑衆議者黎公沈公也其心計縝密工作鞏固者裡河同知張君棟及弟樑也其最先籌畫出身任事若營其私者邑人前廣東同知丁君如玉直隸州州判萬君鏞廩生茅君鑑也其整紛撥劇究悉條貫者縣丞申君秉愚也其夙夜密勿不避嫌怨不惜勞費者廩生林君喈鳳也其慷慨率先不待敦勸者汪君敬吳君朝觀

陳君懷寶吳君昌基也克終其績以底成功者今河道總督張公文浩河庫道福公兆淮揚道沈公學廉淮海道梁公章鉅前縣令李君正鼎范君鳳喈今令張君師愷也 國家右文稽古久道化成天下彬彬咸知鄉學邑又當南北孔道人物輻輳於是觀禮而廟貌不稱日就彫剝曩簡因陋為邦人羞一朝興作巋然宏規然其成之難乃如此是不可以無記俾後之來者畢勸於學知諸君子不憚勤勞誘進後起英俊之心無使倚席不講而為諸持異論不樂成人之美

爰易

廟主釋奠合

樂而 舊主及兩廡先賢從祀神主當毀與撤於古無

徵知縣張師愷乃掘大門內之左陳 主讀祝而掩之

議然後定 咸豐十年豫逆燬大成殿同治四年漕運

總督吳棠重建大成殿並即舊址燬者而大修之

吳棠重修

學宮碑記略曰咸豐十年捻逆竄浦垣大成殿燬焉同治改元棠奉 命駐浦督師下車見此怒然弗敢妄百

光緒丙子清河縣志

卷十

七

廢待舉莫此為先兵燹之餘訪求大木良久始得之乃剋期鳩工百堵偕作就其址重建大成殿九楹左右迴廊八間並補兩廡之敞漏者殿之前為大成門為櫺星門為左右二坊為映壁其東為奎星閣殿之後為東西齋為明倫堂為崇聖祠為尊經閣為兩校官宅並因其舊而重葺之惟櫺星門前東西增為繚垣圍奎星閣於內並於兩坊之中樹棚以止行者非惟懼褻亦兼採形家言也經始於二年之春再閱歲而工竣督修者淮安府知府章儀林署淮安府通判黃倫秩署清河縣知縣查詳考龍寅綬監修者候選知州王錫齡候選游擊吳璜綜理微密無閒寒暑 十一年漕運總督文彬修建尊有足嘉者例得附書

經閣五間左右齋房十間

新廟之制大成殿五楹龍脊魚尾飛簷發角覆以黃瓦

崇臺四周臺高三尺五寸列楹二十有四其前為月臺

廣五尋袤三尋有三尺階級五重四出旁達周以石欄

其前爲甬道 左爲東廡右爲西廡凡十有四楹 大成門三楹朱髹金鋪爲門三凡出入由左扉 神庫在大成門內之左 燎鑪在大成門內之右 名宦祠在大成門東 鄉賢祠在大成門西 更衣廳在大成門外之左 忠孝祠在大成門外之右 泮池在大成門之前 環橋三在泮池之上其南爲櫺星門 明倫堂在大成殿之後 東齋在明倫堂前之左 西齋在明倫堂前之右 崇聖殿在明倫堂之後亦崇臺四周列楹十有二其後爲尊經閣 黎公祠在櫺星門之西咸豐志按學宮告成而黎公卽世故建是以報功也外泮池在櫺星門之前環而東西皆有石欄其南爲映壁其左右皆有坊坊外有樹柵奎星閣在學宮東南外有繚垣圍閣附於學宮內

光緒丙子清河縣志

卷十

八

教諭宅在明倫堂之東大門南出當櫺星門左 訓導宅在明倫堂之西小門西出

清河縣舊爲中學額設教諭一員

康熙二十二年裁訓導一員

員舊設二員後裁一員廩膳生員二十名增廣生員二十名附學

生員二十三名

初取十二名康熙二十八年增至十六名雍正元年定額中學視大學增至二十

十名同治二年漕督吳棠以清邑紳民歷年捐輸軍餉奏請援例以銀三萬兩加廣文武學額各三名永爲定制復以銀二千兩推廣一次文武學額各一名不在定制之內自癸亥歲試爲始撥府或二名

或三名武學生員十五名

原額十二名同治二年增

舊學田一在三里溝草場六十四頃八十畝明嘉靖三十八年知縣郭琳置仲汝孝記曰

清河之創有學田蓋六十餘年於茲矣當嘉靖季年人文蔚起丁文恪以巳未大魁天下郭侯慨然興起是歲

以草場一區為學田隆慶萬曆間學田為壑近三十年未幾河伯效靈地道獻瑞土見如昔居民盜其利者占

而據之屢議請復豪猾為梗楊侯長春來牧斯邑惻然曰學田雖湮縣乘可據親履其地按志而經畫之疆界

遂定夫學田之設也用以濟寒士今學田之復也兼以修學宮是地也在三里溝廣三里長四里計地六十四

頃八十畝地且荒野歷難更種歲可獲草租若干金草視水之大小為有無租亦視草之盛衰為增耗雖物不

加多而利賴實遠饗宮之漏卮於是乎塞貧生之婚喪於是乎舉春秋之禮儀於是乎佐蓋一舉兩庶事皆資

也昔滕甫知鄆州事生儒倉不下給有爭公田不決者甫曰生儒無倉而以良田飽頑可乎竟請以為學田我

思古人實獲我心揚令君之謂也無何君以任滿行安侯承訓莅任復以獨斷成之而學田遂垂永久特紀其

事以詔來茲時天啟元年正月乾隆志云萬曆以後此田復沈於水康熙二十八年知縣管鉅清丈五十八頃

光緒丙子清河縣志

卷十

五十一畝七分內河工飛絮生柳三十四頃三十四畝臨河灘荒水淹十九頃三十三畝草田熟田四頃八十

一畝三十三年教諭洪芳詰清理實存一在劉皮鎮草熟田四頃七十四畝一分八釐四毫

三十五畝康熙五十七年署教諭張忠義一在舊縣西置東西至民田南至大路北至安東界

馬麻橋計田七十餘畝雍正五年教諭馮為桐訓一在

山陽縣東燕家社計田二十頃康熙三十一年河督靳

分修葺文廟及丁祭之用嘉慶中河督吳璣施入普應寺道光六年河督嚴烺議撥給而未果

包家河田跨漁溝金城兩鎮約長四千餘丈自乾隆四

田二十頃十六畝二分九釐道光二十八年知縣劉子瀆復勘自包家河頭至七孔橋約長十二里計田十一

頃八畝零自七孔橋至金城二坵交界約長十二里有奇計田七頃六十六畝自金城二坵至河尾闊東西兩

岸灘田六頃八十餘畝計三段其田二十五頃五十餘畝較舊額多五頃四十畝仍歸種戶完租案懸未結

以上於同治二年清理後半撥為書院經費田見後書院註

新學田一在洪湖新灘計田九十頃一在湖灘字紙局二十

七畝二分四釐按以上二宗係照奏案一在天然引河

附近九頃九十一畝零一在中河清泚鳳凰嘴六頃八十一畝零一在

學宮附近民房基地六十五畝零以上皆同治三年撥定

舊存書目有樂善堂集 日知蒼說 學政全書 性

理 孝經衍義 十三經 二十一史 資治通鑑

綱目 明史 國朝歷代誥諭皆久散佚

舊製禮器爵二百三十有八 登一 鉶二十有二

簋簠各四十 舊銅豆六十有二 雲雷尊一 犧尊

一 象尊一 山尊四 壘尊四 泰尊一 著尊二

壺尊二十有四 尊杓三十有八 毛血盤三 茅

沙池一 龍璋一 壘一 洗一 飲福壺一 邊豆

各二百十有四 篚二十有四 祝版二 坩十有九

椀十有二 禁十有四 燎燈十 燎爐二 鐵爐

二 錫爐一 胙盤二 尊罍二十有八 龍幡四

龍旂四 龍幢四 龍旌二 龍節二 麾幡四 龍

棍二 門旂二

舊製樂器鳳簫四 鳳笙二 洞簫八 匏笙六 壎

二 篪六 晉鼓二 相鼓一 楹鼓一 足鼓一

搏拊鼓二 提鼓二 鼗鼓二 拍拊二 鏞鐘二
 搏鐘一 特磬一 編鐘十有六 編磬六 龍笛九
 木鐸四 琴六 瑟四 祝一 敔一 小提鼓二
 頭管二 拍版二 笏版六 籥簞三十有六
以上禮樂器咸豐元年河督楊以增河庫道法良製十年燬於皖賊者大半

新增禮器竹籩百二十有四 木豆百二十有四 壺
 尊五 銅十 簋二 勺五 登一 庭燎二 節一
 提爐二 大爐一 燭臺三十有六 小爐臺一
 新增樂器 琴二 瑟二 簫二 鳳簫二 洞簫二
 笙四 龍笛六 木鐸二 塤二 篪二 柷一

光緒丙子清河縣志 卷十

敵一 翟籥羽毛各四十 編磬二十 編鐘十有六
 特鐘一 搏拊鼓二 鼗鼓二 大成鼓一
以上同治十二年

年漕督文彬命知縣萬青選製青選有碑略曰清河縣學宮建於道光四年並造禮樂器歲久窳壞後二十餘年河督聊城楊公及河庫道長白法良公銳意復舊稽程度興廢缺集邑子弟秀穎者而教之學制號為美備屬咸豐十年豫逆擾躪浦垣不守彝器蕩焉歲辛酉青選初蒞是邑兵事倉卒不遑與舉後十年復捧檄來次年會長白文彬公奉命駐此督漕命青選倡舉其事增製諸器督習歌舞經始於同治十一年孟冬迨次年季夏告成乃以仲秋之月遂大合樂禮成告退是役也前清河教諭梁君承誥與青選實共之而誨以歌舞容止應節則梁君一人之功懋焉襄佐者今教諭李君藻也凡用白金八百兩錢千八百緡有奇定章每歲二仲祭銀各百兩內擲節經費二十兩接儲以為歲修費例得並貞諸石

舊名宦祠祀二十人宋安撫使知清河軍史欽
咸豐志按欽知

清河軍在宋在元皆有可知疑另有辨見秩官明知縣孔克勲 知縣喻有立

靳州知州兼知清河縣事李信圭咸豐志按明史信圭擢知靳州清河

民詣闕乞畱命以知州理縣事不得云兼知清河也神位當改書知縣方文咸豐志按文居官在

李信圭前當升一位知縣劉慧 知縣郭郭 知縣陸琳一作知

縣石存仁 教諭俞縉 教諭李繼祖 國朝知縣李

用質 江南總督傅臘塔 總督于成龍 江南學政

許汝霖 學政張榕端 學政余正健 學政張元臣

江蘇巡撫張伯行 知縣涂璋今增祀七人河道總

督張井 河道總督楊以增 漕運總督吳棠 淮揚

道李國瑞 淮揚道曹文昭 淮揚道路慎莊 淮揚

光緒丙子清河縣志 卷十 十一

道朱善張凡二十有七人

舊鄉賢祠祀十有五人又自府鄉賢祠移祀一人隋潭

州總管張齋 明陽朔縣知縣湯子厚 交趾道監察

御史王衍 武昌府知府王德芳 工部都水司員外

王圭 瑞州府通判段泰 山東按察司使石渠 浙

江布政司參議楊清 玉田王府教授王佑按府志有明濟甯州

訓導王僕無王佑生員吳從衆自府鄉賢祠移祀者鴻臚寺序班王通

吏部左侍郎贈禮部尚書丁士美 同州同知署商州

事周文煒 歲貢士徵聘督餉主事陳世美 生員湯

日升 國朝戶部河南清吏司主事陸騰駿今增祀一

人澳門同知丁如玉凡十有七人

崇正書院 明隆慶五年知縣張惟誠建天啟間廢

臨川書院在漁溝鎮 康熙三十二年知縣管鉅建嘉慶十五年圮邑人吳朝觀與弟昌基

族子安靜重建於三元宮之西舊有經費田三頃在楊家蕩邑人葛永瑞捐道光二十二年楊工漫口後實存

田二頃五十畝又吳朝觀捐田二頃零在洪家蕩續於同治十三年經費贏餘別買田二頃在漁溝南沙礮隄

咸豐志云學舍二十二間官吏占居將假而不歸非建置之本意矣按近年占居者已遷徙書院延師授學一如初

原建崇實書院在禹王臺西 乾隆三十三年建嘉定錢大昕記略曰崇實書院者

河督湛亭李公之所創也清江為河帥駐節湛亭公簪纓世胄由郡丞以登開府河防國計安民察吏設誠而

致行之又創立書院以為造士之所顏曰崇實莅政之暇召諸生而誨之以有本之學務篤其實勿逐於名湛

光緒丙子清河縣志 卷十 三

亭公歸道山十餘年 天子復命公子薊林付以全河

之任戊子歲有司議改書院為官廨乃別相塏爽營立講堂規制增拓輪奐聿新落成之日人士欣喜贊誦議

祀湛亭公栗主於講堂之右春秋蘋蘩謂大昕嘗從公游乞為文以記之文多不備載舊存經費九百金乾隆

五十九年收買何堂歸官田十二頃八十八畝五分六釐每年額收租錢三百八十千又典山陽劉姓田十頃

九十四畝四分五釐計價銀九百六十兩收取租息歸庫大使經管以充經費又裴家場草田二十三頃六十

八畝九分八釐乾隆四十九年報陞撥歸書院膏火嘉慶六年立有碑記咸豐十年書院燬於兵火經費田亦皆無存

移建崇實書院在運河北岸海神廟西 同治元年漕督吳棠建歸安錢

振倫記略曰清河舊有崇實書院燬於捻寇同治紀元漕督吳公購運河北岸黃氏廢園宏厰與舊埒重葺治

之額仍其舊辱延振倫為主講並購經史其中俾諸生以時肄習每歲漕督甄別而道府縣與海州分司運判月遞課焉時河督已裁缺費絀甚邑有學田若干頃歲久多欺隱乃以次清釐歸其半於學而以其餘入書院

又撥寶應阜甯灘租及淮北鹽筋餘款歲息若干凡束
修膏火與夫考試供頓校官薪水吏役飯食咸取給於
是而歲修不與焉袁浦自河督駐節承其流者率以靡
麗相尚比者瘡痍初起物力耗減而士之舉於鄉者轉
多於曩日論者謂物莫兩大其即崇實之見端歟
費田一包家河兩岸田十一頃十五畝五分一浪石
鎮北灣田八十八畝一金城鎮田一頃十五畝一
太平西官莊田四頃六十畝一外南順黃壩護隄柳
田七頃四畝四分七釐九毫一馬麻橋田八十畝
一文筆峯田四頃八十畝三分三釐四毫一永豐莊
田十二頃六十七畝五分三釐五毫一太平工田八
頃八十九畝四分九毫一山陽燕家社田二十頃
一石工頭田八十畝一外南塘河土山田六頃二十
八畝三分九釐九毫一張福口引河兩岸護河田十
九頃九十八畝三分七釐一太平引河護隄田四頃
三十七畝七分五釐二毫四絲一石工頭隄根小橋
東西田二頃九十畝三分六釐二毫一陳少介等定
案田旁田二頃二十二畝三分一釐七毫一黎公祠
香火田頭田八十六畝六分四釐一毫一劉皮鎮田
三十五畝以上共田一百九十九畝零按此即舊

光緒丙子清河縣志

卷十

十四

學田所撥入者又一撥寶應湖灘租錢九百九十六千
三百七十四一撥阜甯海灘租歷被衝塌經減實存
錢六百三十九千六十一一撥阜甯天寶兩號開領
兵基租錢一百六十五千二十三一撥阜甯賈一元
佔種海灘租錢八千六十九一撥安東無糧官灘租
錢一百四十八千一百有八一淮北鹽筋餘款撥存
生息錢五百千一充公草市口市房歲收租錢一百
十五千一漕督撥存錢鋪生息銀一千兩錢二千千
又歲修學宮經費內撥銀四十五兩為書院歲修之
資按自草市口市房收租以下各款籌撥在碑記之後
故碑文概未之及

乾隆志載社學十七所又有西廡義學王營馬王廟義
學久皆廢缺今義學附入建置門不更述

